

ხაშურის მუნიციპალიტეტის სოფელ ფლევში ახალი საჯარო სკოლა გაიხსნა

16 სექტემბერი 2019

სოფელ ფლევში ახლადამენებული საჯარო სკოლის გახსნის ღონისძიებას შიდა ქართლის სახელმწიფო რწმუნებული გიორგი ხოჯევანიშვილი, საგანმანათლებლო და სამეცნიერო ინფრასტრუქტურის განვითარების სააგენტოს დირექტორი ზვიად როსტომაშვილი, პარლამენტის წევრი სიმონ ნოზაძე და ადგილობრივი თვითმმართველობის წარმომადგენლები ესწრებოდნენ. ხელისუფლების წარმომადგენლებმა მოსწავლეებსა და პედაგოგებს ახალ სკოლაში სწავლის დაწყება მიულოცეს.

თანამედროვე ტიპის ორსართულიანი შენობა, რომლის მშენებლობაზე 3 მილიონ ლარამდე დაიხარჯა, 120 მოსწავლეზეა გათვლილი. მშენებლობა ევროსტანდარტების მოთხოვნათა დაცვით განხორციელდა. შენობა ადაპტირებულია შეზღუდული შესაძლებლობის მქონე პირებისთვის. სკოლაში იფუნქციონირებს საბუნებისმეტყველო ლაბორატორიები, რომელიც აღიჭურვა თანამედროვე სასკოლო ინვენტარით, მოწყობილია და დახურული სპორტული მოედნები. სკოლაში იფუნქციონირებს ცალკე მდგომი სპორტული დარბაზი და გარე სპორტული მოედანი.